

Visoki predstavnik zatražio istragu ponašanja policije RS prema ekipi Federalne TV

Visoki predstavnik Paddy Ashdown poziva organe vlasti RS da provedu istragu o ponašanju policije RS i Ministarstva unutrašnjih poslova RS prema ekipi emisije "Dileme" Federalne televizije. Prema navodima Federalne televizije, policija RS je jutros sa međuentiteske linije razgraničenja vratila njihove snimatelje koji su putovali u Srebrenicu. Razlog koji je navela policija RS i Ministarstvo unutrašnjih poslova RS je da članovi ekipe nisu predložili "pismo namjere".

Visoki predstavnik smatra ovaj incident veoma ozbiljnim. Sloboda kretanja i pravo medija na neometano izvještavanje predstavljaju osnovne slobode sadržane u Dejtonskom mirovnom sporazumu i Evropskoj konvenciji o ljudskim pravima. Visoki predstavnik očekuje od Ministarstva unutrašnjih poslova RS brzo i detaljno provođenje istrage o ovom incidentu, kao i poduzimanje neophodnih disciplinskih mjera.